

ओं नमः परमात्मने, श्री महागणपतये नमः,
श्री गुरुभ्यो नमः, हरिः ओं

स्वस्ति वाचनम्
(Compiled by Vedha SIRAS, Chennai)

Introduction to Svasti VAchanam

The word “Svasti” means “auspiciousness” (*blessing, fortune, prosperity, welfare*) and the word “VAchanam” means “sayings” (*vaarthai in Tamil*). Hence, Svasti VAchanam means “Auspicious sayings” (*“Mangala VArtha” in tamil*).

In all the four Veda Sakhais (*Rik, Yajur, SAma* , and *Atharvana*) there are collection of manthras that are considered to be very auspicious and are named as “Svasti VAchanam” , used for the well-being of the Universe / Loka Kshemam.

“Svasti VAchanam” in Krishna Yajur Vedam, Taittiriya SamhitA, consists of 67 manthras (four Anuvakams) in the fourth KAndam (**4-6-4; 4-6-6; 4-7-14, and 4-7-15**) are considered as a very powerful manthra KOsam and is being chanted in several auspicious functions / occasions, such as:

1. Before commencing any auspicious vaideeka ritual and good functions (*Sath karyams*);
2. In all temple festivals, specifically while the Utsava Moorthy is being brought outside the premises during occasions like “Ankuraarpanam”, “Veedhi Purappadu”, Car festival (*Thiru ThEr purappadu*), TheerthaVaari, etc,;
3. During Acharya Vijaya Yathras;
4. Before commencing any Yagna as a part of Agni Sayanam;
5. During Grahapravesam, while (Owners) entering the house;
6. While Vaideekas are returning from the river, tanks, Ponds, after performing “KAnda Rishi Tharpanam” as a part of Avani Avittam yearly ritual.

The first Anuvakam in Svasti VAchanam which starts as “Aasus Sisaano” (4-6-4) is called as “Aprathi Ratham” which means by reciting these manthras one can conquer even the undefeatable enemies.

The Bhatta Baskara vyakhyanam (*for the Brahmana portion relevant to these Samhithai manthras*) states that only after chanting these manthras, the heavenly gods (Devas) could win the war against Demons (Asuras) and

defeated them and thus the name “Aprathi ratham” came for these collection of 15 manthras.

Chanting this Aprathi ratham is a must before commencing some yagnas like Soma Yaga, Sathra Yaga etc.,

The second Anuvakam in Svasti VAchanam starts as “Jeemuthasyeva” (4-6-6) consists of 20 manthras is being chanted in several stages while performing Asvamedha Yagna.

The third Anuvakam starts as “MamaagnE” (4-7-14) consists of 10 manthras is called as “Vihavya”, meaning is to be desired/invited/invoked for achieving the desired results.

The fourth Anuvakam starts as “AgnErmannE” (4-7-15) consists of 22 manthras is called as “MRugara:” used in several stages of Asvamedha yagna.

Except the “Jeemuthasyeva” anuvaakam, the remaining anuvakams (and constituent mantras) are forming part of “UdakaSanthi” manthras compiled by Bodhayana Maharishi.

Chanting of “Svasti VAchanam” thus provides all auspiciousness, prosperity and assured success.

Acknowledgement:

1. This Compilation has been completely made and provided to VedaVMS for the benefit of all Veda learners by Vedic Group - **Vedha SIRAS** based in **West Mambalam, Chennai**.
2. We would like to sincerely and whole-heartedly thank their team specially their Guru **Shri. Melma L. Venugopalan** and his Gurus – **Shri I.V.K. Chary and Shri Vengalathur Mani Sastrigal**
3. We would also like to mention that recently Veda SIRAS Group has been continuously assisting VedaVMS in proof-reading, improvements and also assured that they would assist us in additional compilations which are not readily available with us or not compiled by us.

हरिः ओ(४)म् ॥

TS 4.6.4.1

आ॒शुः शि॒शानो॑ वृ॒षभो॑ न यु॒द्ध्मो घ॑नाघनः क्षो॒भण-श्च॑र्षणीनां ।
सं॒क्रन्द॑नोऽनिमिष॑ एक॒ वीरः॑ शत॑ अ॒जय॑त् सा॒कमिन्द्रः॑ ॥
सं॒क्रन्द॑नेना निमिषेण॑ जि॒ष्णुना॑ यु॒त्कारेण॑ दु॒श्च्यव॑नेन धृ॒ष्णुना॑ ॥
तदिन्द्रे॑ण जयत॒ तथ् सह॑ध्वं यु॒धो नर॑ इषु॒हस्तेन॑ वृ॒ष्णा ॥
स इषु॑हस्तैः स निषंगिभिर्वशी स॒स्रष्टा॑ स यु॒ध इन्द्रो॑ ग॒णेन॑ ।
स॒सृष्ट॑जिथ् सोम॒पा बा॑हुश॒र्द्ध्यू॒र्द्ध्वध॑न्वा प्र॒तिहि॑ताभिरस्ता ॥
बृ॒हस्प॑ते परि दीया- [] 16

TS 4.6.4.2

रथेन॑ रक्षोहा॒ मित्रा॑ अप॒ बाध॑मानः ।
प्र॒भञ्ज॑न्त् सेनाः प्र॒मृणो॑ यु॒धा जय॑न्तस्माक-मे॒द्ध्यवि॑ता रथानां ॥
गो॒त्रभि॑दं गो॒विदं॑ वज्र॒बाहुं॑ जय॑न्तमज्म प्र॒मृण॑न्त-मोजसा ।
इ॒म॒ सजा॑ता अनु॒वीर-य॑ध्वमिन्द्र॒ सखा॑योऽनु स॒ रभ॑ध्वं ॥
ब॒लवि॑ज्ञायः-स्थ॒विरः॑ प्र॒वीरः॑ सह॒स्वान् वा॒जी सह॑मान उ॒ग्रः ।
अ॒भिवी॑रो अ॒भिस॑त्वा सहो॒जा जै॑त्रमिन्द्र॒ रथ॑मातिष्ठ गो॒वित् ॥
अ॒भि गो॒त्राणि॑ सह॒सा गा॑हमानोऽदायो- [] 17

TS 4.6.4.3

वीरः॑ श॒तम॑न्युरिन्द्रः॑ । दु॒श्च॒य॒वनः॑ पृ॒त॒ना॒षाड॑ यु॒द्ध्यो॑-स्माक॑ꣳ से॒ना
अ॒वतु॑ प्र यु॒थ्सु ॥ इन्द्र॑ आ॒सां-ने॒ता बृ॒ह॒स्पति॑ र्दक्षि॒णा य॒ज्ञः पु॒र ए॒तु
सोमः॑ । दे॒वसे॒नाना॑-म॒भिभ॑ञ्जती॒नां ज॑यन्ती॒नां म॒रुतो॑ य॒न्त्व॒ग्रे ॥
इन्द्र॑स्य वृ॒ष्णो व॑रुणस्य रा॒ज्ञ आ॒दि॒त्यानां॑ म॒रुता॑ꣳ श॒र्द्ध उ॒ग्रं ।
म॒हाम॑नसां भु॒वन॑च्य॒वानां॑ घोषो दे॒वानां॑ ज॒यता॑ मु॒दस्थात् ॥
अ॒स्माक॑-मिन्द्रः॑ स॒मृतेषु॑ ध्व॒जेष्व॒स्माकं॑ ँया इ॒षव॑स्ता ज॒यन्तु ॥ 18

TS 4.6.4.4

अ॒स्माकं॑ ँवी॒रा उत्त॑रे भ॒वन्त्व॒स्मानु॑ दे॒वा अ॒वता॑ ह॒वेषु॑ ॥
उ॒द्धर्ष॑य म॒घव॑न्ना-यु॒धान्-न्यु॒थ्स॒त्त्वनां॑ मा॒मका॑नां म॒हाꣳसि॑ ।
उ॒द्ध॒त्रह॑न् वा॒जिनां॑ ँवा॒जिना॑न्युद्-र॒थानां॑ ज॒यता॑मेतु॒ घोषः॑ ॥
उ॒प प्रे॒त ज॑यता न॒रःस्थि॑रा वः स॒न्तु बा॑हवः ।
इन्द्रो॑ वः श॒र्म य॑च्छ त्व॒ना-धृ॑ष्या यथा॒सथ ॥
अ॒वसृ॑ष्टा प॒रा प॒त श॑रव्ये ब्र॒ह्म सꣳशि॑ता ।
ग॒च्छा॒मित्रा॑न् प्र- [] 19

TS 4.6.4.5

वि॒श॒ मै॒षां क॒ञ्च॒नोच्छि॑षः ॥ म॒र्मा॒णि ते॒ वर्म॑भि॒श्छा॑दयामि सोम॑स्त्वा
रा॒जा ऽमृ॑ते॒नाभि॑-वस्तां । उ॒रोर्व॑री॒यो व॑रि॒वस्ते॑ अस्तु॒ जय॑न्तं त्वाम॑नु
मद॑न्तु दे॒वाः ॥ यत्र॑ बा॒णाः संप॑तन्ति कु॒मारा॑ वि॒शिखा॑ इव । इन्द्रो॑ न
स्तत्र॑ वृ॒त्रहा॑ वि॒श्वाहा॑ शर्म॑ यच्छतु ॥ 20 (A4)

TS 4.6.6.1

जी॒मूत॑स्येव भवति प्र॒तीकं॑ य॒द्वर्मी॑ याति॒ सम॑दा॒मुप॑स्थे ॥
अना॑वि॒द्धया॒ तनु॑वा जय॒ त्वꣳ स॒ त्वा वर्म॑णो महि॒मा पि॑पर्तु ॥
धन्व॑ना गा धन्व॑नाऽऽजिं॑ जयेम॒ धन्व॑ना ती॒व्राः सम॑दो जयेम ।
धनुः॑ शत्रो॒रप॑कामं कृ॒णोति॑ धन्व॑ना सर्वाः॑ प्र॒दिशो॑ जयेम ॥
वक्ष्य॑न्तीवे॒दा ग॑नीगन्ति॒ कर्णं॑ प्रि॒यꣳ स॒खायं॑ परिष॒स्वजा॑ना ।
योषे॑व शि॒ङ्गे वि॒तता॑ऽधि॒ धन्व॑न् - [] 27

TS 4.6.6.2

ज्या॑ इ॒यꣳ स॒मने॑ पा॒रय॑न्ती ॥ ते आ॒चर॑न्ती स॒मने॑व योषा॑ मा॒तेव॑ पु॒त्रं
बि॑भृता॒मुप॑स्थे ॥ अप॒ शत्रू॑न् वि॒द्ध्यता॑ꣳ सँवि॒दाने॑ आ॒र्त्नी इ॒मे वि॑ष्फु
रन्ती॑ अ॒मित्रा॑न् ॥ ब॒ह्वीनां॑ पि॒ता ब॒हुर॑स्य पु॒त्रश्चि॒श्वा कृ॑णोति स॒मना॑ऽव
गत्य॑ । इ॒षुधिः॑ स॒ङ्काः पृ॑तनाश्च सर्वाः॑ पृ॒ष्ठे नि॑नद्धो जयति प्र॒सूतः॑ ॥

र॒थे ति॑ष्ठन् नयति वा॒जिनः॑ पु॒रो यत्र॑यत्र का॒मय॑ते सुषा॒रथिः॑ । अ॒
भी॒शूनां॑ म॒हिमा॑नं – [] 28

TS 4.6.6.3

पनाय॑त मनः प॒श्चादनु॑ यच्छन्ति र॒श्मयः॑ ॥
ती॒व्रान् घो॑षान् कृ॒ण्वते॑ वृषपा॒णयोऽश्वा॑ रथे॒भिः सह॑ वा॒जय॑न्तः ।
अ॒वक्रा॑मन्तः प्रप॑दैरमि॒त्रान् क्षि॑णन्ति श॒त्रून् र॑नपव्ययन्तः ॥
रथ॑वाहनं ह॒विर॑स्य नाम यत्राऽऽयु॑धं नि॒हित॑मस्य वर्म ।
तत्रा॑ रथमुप श॒ग्मं स॑देम वि॒श्वाहा॑ वयं सु॒मन॑स्यमा॒नाः ॥
स्वा॒दुषं॑ सदः पि॒तरो॑ वयो॒धाः कृ॑च्छ्रे॒श्रितः॑ श॒क्तीव॑न्तो ग॒भीराः॑ ।
चि॒त्रसे॑ना इषु॒बला॑ अमृ॒द्धाः स॒तोवी॑रा उ॒रवो॑ ब्रा॒तसा॑हाः ॥
ब्रा॒ह्मणा॑सः – [] 29

TS 4.6.6.4

पि॒तरः॑ सोम्या॒सः शि॒वे नो॒ द्यावा॑पृथि॒वी अ॒नेह॑सा ॥
पू॒षा नः॑ पातु दु॒रिता॑दृतावृ॒धो रक्षा॑ माकि॒र्नो अ॒घश॑स् ई॒शत॑ ॥
सु॒पर्णं व॑स्ते मृ॒गो अ॑स्या दन्तो गो॒भिः सन्न॑ब्धा पतति प्र॒सूता॑ ।
यत्रा॑ नरः सं च वि च द्रव॑न्ति तत्रा॒स्मभ्य॑मिष॒वः शर्म॑ यस्सन् ॥

ऋ॒जी॒ते॒ परि॑ वृ॒डि॒न्ध॒ नोऽ॒श्मा॑ भवतु नस्त॒नूः ।

सोमो॑ अधि॑ ब्रवीतु॒ नोऽ॒दितिः॑ - [] 30

TS 4.6.6.5

शर्म॑ यच्छतु ॥ आ ज॒ङ्घ॒न्ति॒ सान्वे॑षां ज॒घना॑ꣳ उप॑ जिघ्नते ।

अश्वा॑जनि॒ प्रचे॑तसोऽश्वा॒न्थ् सम॑थ्सु चोदय ॥

अहि॑रिव भो॒गैः पर्ये॑ति बा॒हुं ज्या॑या हे॒तिं परि॑बाध॒मानः॑ ।

हस्त॑घ्नो वि॒श्वा व॒युना॑नि वि॒द्वान् पु॒मान् पु॒माꣳसं॑ परि॑ पातु वि॒श्वतः॑ ॥

वन॑स्पते वी॒ड्व॒ङ्गो हि॑ भू॒या अ॒स्मथ् स॒खा प्र॒तर॑णः सु॒वीरः॑ ।

गोभिः॑ सन्न॒द्धो अ॒सि वी॒डय॑स्वाऽऽस्था॒ता ते ज॑यतु जे॒त्वानि॑ ॥

दिवः॑ पृ॒थि॒व्याः पर्यो॑- [] 31

TS 4.6.6.6

-ज उद्-भृ॒तं व॑न॒स्पति॑भ्यः पर्या॒भृत॑ꣳ सहः॑ ।

अ॒पा॒मो॒ज्मानं॑ परि॑ गो॒भिरा॒वृत॑मिन्द्र॒स्य वज्र॑ꣳ ह॒विषा॑ रथं॑ य॒ज ॥

इन्द्र॑स्य वज्रो मरु॒ताम॑नीकं मि॒त्रस्य॑ गर्भो वरु॒णस्य॑ नाभिः ।

से॒मां नो॑ ह॒व्यदा॑तिं जुषा॒णो दे॒व रथ॑ प्रति॒ हव्या॑ गृ॒भाय॑ ॥

उप॑ श्वा॒सय॑ पृ॒थि॒वीमु॑त द्वां पु॒रुत्रा॑ ते म॒नुतां॑ वि॒ष्टितं॑ जगत् ।

स दु॑न्दु॒भे स॒जूरि॑न्द्रेण दे॒वैर्दू॒रा- [] 32

TS 4.6.6.7

द्वी॒यो अप॑से॒ध श॒त्रून् ॥
 आ क्र॑न्द॒य ब॒लमो॒जो न॒ आ धा॒ नि॒ष्टनि॑हि॒ दुरि॑ता बा॒धमा॑नः ।
 अप॑ प्रोथ दु॒न्दुभे॑ दु॒च्छुना॑ इ॒त इन्द्र॑स्य मु॒ष्टिर॑सि वी॒डय॑स्व ॥
 आऽमू॑रज प्र॒त्याव॑र्तये॒माः के॒तुम॑द् दु॒न्दुभि॑ र्वाव॑दीति ।
 सम॑श्च॒पर्णाश्च॑रन्ति नो नरोऽस्मा॑कमिन्द्र र॒थिनो॑ जयन्तु ॥ 33 (A6)

TS 4.7.14.1

ममा॑ग्ने॒ वर्चो॑ वि॒हवे॑ष्वस्तु व॒यं त्वे॑न्धा॒ना स्त॒नुवं॑ पु॒षेम॑ ।
 म॒ह्यं न॑मन्तां प्र॒दिश॑श्च॒तस्र॑ स्त्वया-ऽ॒ध्यक्षे॑ण पृ॒तना॑ जयेम ॥
 मम॑ दे॒वा वि॒हवे॑ सन्तु॒ सर्व॑ इन्द्रा॑वन्तो म॒रुतो॑ वि॒ष्णुर॑ग्निः ।
 ममा॑न्तरि॒क्ष मु॒रु गो॑पमस्तु म॒ह्यं वा॑तः प॒वतां॑ कामे अ॒स्मिन् ॥
 मयि॑ दे॒वा द्र॑विण॒ माय॑जन्तां म॒य्या शी॑रस्तु मयि॑ दे॒वहू॑तिः ।
 दै॒व्या हो॑तारा वनिषन्त - [] 29

TS 4.7.14.2

पूर्वे॑ ऽरि॒ष्टाः स्या॑म त॒नुवा॑ सु॒वीराः॑ ॥
 म॒ह्यं य॑जन्तु मम॒ यानि॑ ह॒व्याऽऽकू॑तिः स॒त्या मन॑सो मे अस्तु ।
 ए॒नो मा॑निगां क॒तम॑च्च॒नाहं॑ विश्वे॑ दे॒वासो॑ अधि॒वोच॑ ता मे ॥

दे॒वीः॑ ष॒डुर्वी॑रु॒रुणः॑ कृ॒णो॒त वि॒श्वे दे॒वा स इ॒ह वी॑र॒यद्ध्वं॑ ।

माहा॑स्महि प्र॒जया॒ मा त॒नूभि॒र्मा र॑धाम द्वि॒षते॒ सोम॑ राजन् ॥

अ॒ग्निर्म॒न्युं प्र॑ति॒नुद॑न् पु॒रस्ता॒- [] 30

TS 4.7.14.3

द॒दब्धो॑ गो॒पाः परि॑पाहि न॒स्त्वं ।

प्र॒त्यञ्चो॑ यन्तु नि॒गुतः॑ पुन॒स्ते ऽमै॑षां चि॒त्तं प्र॒बुधा॑ वि॒ने॒शत् ॥

धा॒ता धा॑तृ॒णां भु॑वन॒स्य य॒स्पति॑ दे॒वꣳ स॒वि॒ता॒र॒म॒भि मा॒ति॒षाहं॑ ।

इ॒मं य॑ज्ञ म॒श्विनो॒भा बृ॑ह॒स्पति॑ दे॒वाः पा॑न्तु यज॒मान॑न् न्य॒र्थात् ॥

उ॒रु॒व्य॒चा नो॑ म॒हिषः॑ श॒र्म यꣳ स॒द॒स्मिन् ह॒वे पु॑रु॒हूतः॑ पु॒रु॒क्षु ।

स नः॑ प्र॒जायै॑ हर्यश्च मृ॒डये॑न्द्र मा - [] 31

TS 4.7.14.4

नो॑ री॒रिषो॑ मा प॒रा दाः॑ ॥

ये नः॑ स॒प॒त्ना अ॒प॒ते भ॑व॒न्त्विन्द्रा॑-ग्नि॒भ्याम॒व बा॑धामहे तान् ।

व॒स॒वो रु॒द्रा आ॑दि॒त्या उ॒परि॑ स्पृ॒शं मो॒ग्रं चे॒त्ता॒र॒म॒धि रा॒ज॒म॒क्रन् ॥

अ॒र्वाञ्च॑ मि॒न्द्रम॒मुतो॑ ह॒वाम॑हे यो गो॒जिद्-ध॒न-जि॑दश्च-जि॒द्यः ।

इ॒म॒न्नो य॑ज्ञं वि॒ह॒वे जु॑ष॒स्वा॒स्य कु॑र्मो ह॒रि॒वो मे॒दि॒नं त्वा ॥ 32 (A14)

TS 4.7.15.1

अ॒ग्ने॒र्मन्वे॑ प्र॒थम॑स्य प्र॒चेत॑सो यं पाञ्च॑जन्यं ब॒हवः॑ समि॒न्धते॑ ।
वि॒श्वस्यां॑ वि॒शि प्र॑वि॒विशि॑वाꣳ समी॒महे॑ स नो मुञ्च॑त्वꣳ ह॒सः ॥
यस्ये॒दं प्रा॑ण॒न्निमि॑षद् यदे॒जति॑ यस्य जा॒तं ज॑न॒मानं॑ च के॒वलं ।
स्तौ॒म्यग्निं॑ ना॒थितो॑ जो॒हवी॑मि स नो मुञ्च॑त्वꣳ ह॒सः ॥
इन्द्र॑स्य म॒न्ये प्र॒थम॑स्य प्र॒चेत॑सो वृ॒त्रघ्नः॑ स्तो॒मा उप॑ मामु॒पागुः॑ ।
यो दा॒शुषः॑ सु॒कृतो॑ ह॒वमु॑प॒ गन्ता॑ – [] 33

TS 4.7.15.2

स नो मुञ्च॑त्वꣳ ह॒सः ॥
यः सं॒ग्रामं॑ न॒यति॑ सँ व॒शी यु॒धे यः पु॒ष्टानि॑ सꣳसृ॒जति॑ त्र॒याणि॑ ।
स्तौमी॑न्द्रं ना॒थितो॑ जो॒हवी॑मि स नो मुञ्च॑त्वꣳ ह॒सः ॥
मन्वे॑ वां मि॒त्रा व॑रुणा॒ तस्य॑ वि॒त्तꣳ स॒त्यौज॑सा दृꣳह॒णा यं नु॑दे॒थे ॥
या रा॒जानꣳ स॒रथं॑ या॒थ उ॒ग्रा ता॑ नो मुञ्च॑त॒माग॑सः ॥
यो वाꣳ रथ॑ ऋ॒जुर॑ग्निः स॒त्यध॑र्मा मि॒थु श्र॑न्त-मु॒पया॑ति दू॒षय॑न् ।
स्तौमि॑ – [] 34

TS 4.7.15.3

मि॒त्रावरु॑णा नाथि॒तो जो॑हवीमि॒ तौ नो॑ मुञ्चत॒माग॑सः ॥
वा॒योः स॒वितु॑ वि॒दथानि॑ मन्महे॒ यावा॑त्मन्वद्-बिभृ॒तो यौ च॑ रक्षतः।
यौ विश्व॑स्य परिभू॒ बभू॑वतुस्तौ नो॑ मुञ्चत॒माग॑सः ॥
उप॒ श्रेष्ठा॑न आ॒शिषो॑ दे॒वयो॒र्धर्मे॑ अस्थिरन् ।
स्तौमि॑ वा॒युं स॒वितारं॑ नाथि॒तो जो॑हवीमि॒ तौ नो॑ मुञ्चत॒माग॑सः॥
रथी॑तमौ रथी॒नाम॑ह्व ऊ॒तये॒ शुभं॑ गमि॒ष्ठौ सु॒यमे॑भिरश्वैः ।
ययौ॑ -[] 35

TS 4.7.15.4

-वाँ दे॒वौ दे॒वेष्वा॑-नि॒शित॑-मो॒जस्तौ॑ नो॑ मुञ्चत॒माग॑सः ॥
यद॑यातं वँह॒तुं सूर्या॑या-स्त्रि॒चक्रे॑ण स॒ स॒दमि॑च्छमानौ ।
स्तौमि॑ दे॒वा व॒श्विनौ॑ नाथि॒तो जो॑हवीमि॒ तौ नो॑ मुञ्चत॒माग॑सः ॥
मरु॑तां मन्वे॒ अधि॑नो ब्रुवन्तु॒ प्रेमां॑ वा॒चं वि॒श्वा म॑वन्तु॒ विश्वे॑ ।
आ॒शून् हु॑वे सु॒यमा॑नूतये॒ ते नो॑ मुञ्चन्त्वे॒नसः॑ ॥
ति॒ग्ममा॑युधं वँडि॒तं स॒हस्व॑द् दि॒व्यं श॒र्द्धः॑ - [] 36

TS 4.7.15.5

प॒तना॑सु जि॒ष्णु । स्तौ॑मि दे॒वान् म॒रुतो॑ नाथि॒तो जो॑हवीमि ते नो मुञ्च॒
न्त्वे॑नसः ॥ दे॒वानां॑ मन्वे॒ अधि॑ नो ब्रुवन्तु॒ प्रेमां॑ वा॒चं विश्वा॑मवन्तु॒
विश्वे॑ । आ॒शून् हु॑वे सु॒यमा॑नू॒तये॒ ते नो॑ मुञ्च॒न्त्वे॑नसः॥ यदि॒दं मा॑भि
शोच॑ति पौरु॒षेये॑ण दै॒व्ये॑न ।

स्तौ॑मि विश्वा॑न् दे॒वान् नाथि॒तो जो॑हवीमि ते नो मुञ्च॒न्त्वे॑नसः ॥

अनु॑नोऽद्यानु॑मति॒ रन्वि॒ - [] 37

TS 4.7.15.6

दनु॑मते त्वं वै॒श्वान॑रो न ऊ॒त्या पृ॒ष्ठो दि॒वि ॥

ये अप्र॑थेता-ममि॑तेभि॒ रोजो॑भि॒ र्ये प्र॑तिष्ठे अभ॑वतां व॒सूनां॑ ।

स्तौ॑मि द्या॒वा पृ॒थि॒वी नाथि॒तो जो॑हवीमि ते नो मुञ्च॒तम॑ ह॒सः ॥

उर्वी॑ रोद॒सी वरि॑वः कृ॒णोतं॑ क्षे॒त्रस्य॑ पत्नी॒ अधि॑ नो ब्रूयातं ।

स्तौ॑मि द्या॒वा पृ॒थि॒वी नाथि॒तो जो॑हवीमि ते नो मुञ्च॒तम॑ ह॒सः ॥

यत् ते॑ व॒यं पु॒रुष॑त्रा यवि॒ष्ठा वि॒द्वाँसश्च॑ कृ॒मा कच्च॑ ना - [] 38

TS 4.7.15.7

ॐ*गः ।

कृ॒धी॑ स्व॒स्माँ॑ अदि॒ते॒र॒ना॒गा॒ व्ये॒नाँ॑सि शि॒श्र॒थो॒ वि॒ष्व॒ग॒ग्ने॑ ॥

य॒था॑ ह॒ तद् व॑स॒वो गौ॒र्यँ॑ चि॒त् प॒दि॒षि॒ता म॑मु॒ञ्च॒ता य॑ज॒त्राः ।

ए॒वा त्व॑म॒स्मत् प्र॑मु॒ञ्चा॒ व्यँ॑हः प्रा॒ता॒र्य॒ग्ने प्र॑त॒रान्न॒ आयुः॑ ॥ 39

(A15)

ह॒रिः॑ ओ(३)म् ॥
